

3059/19
27-12-2017



JAVNO PREDUZEĆE ŽELJEZNICE FEDERACIJE BOSNE i HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509.
DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno
poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO
BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT:PBSCBA 22, kod
PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM
1020500000088171, DEVIZNI-IBAN:BA39+1020500000088171 SWIFT:UBKSBA 22 kod UNION BANKA d.d. Sarajevo; ID broj:
4200450270001; PDV broj: 200450270001; Porezni broj: 01071112

Broj: 1-28224-1/2017
Datum: 26.12.2017.godine
Mjesto: Sarajevo

Na osnovu člana 69. stav (2) tačka d) Zakona o javnim nabavkama ("Službeni glasnik BiH", broj: 39/14), člana 60. Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15 i 24/17) člana 19. Pravilnika o javnoj nabavci roba, usluga i radova u posebnim okolnostima broj: NO-24771-1-6./2017 od 23.11.2017. godine i broj: NO-25507-1-4./2017 od 07.12.2017. godine i Zapisnika o pregledu i ocjeni ponuda sa preporukom Komisije broj: UD-17770-1-2/2017 od 25.12.2017. godine, Predsjednik Uprave – Generalni direktor je donio:

ODLUKU
o poništenju postupka javne nabavke

I
Poništava se otvoreni postupak za javnu nabavku roba – Informatička oprema, za potrebe JP ŽFBiH d.o.o. Sarajevo, tender broj: UD-17770-1/2017.

II
Za realizaciju ove Odluke zadužuju se Ekonomski poslovi Društva - Sektor za nabavke i prodaju.

III
Ova Odluka stupa na snagu danom donošenja.

O b r a z l o ž e n j e

Uprava JP ŽFBiH d.o.o. Sarajevo je Odlukom broj: UD-17763-1-6.10./2017 od 10.08.2017. godine, odobrila pokretanje otvorenog postupka javne nabavke roba – Informatička oprema, za potrebe JP ŽFBiH d.o.o. Sarajevo, tender broj: UD-17770-1/2017.

Obavještenje o nabavci objavljeno je na portalu javnih nabavki, broj obavještenja: 1050-1-1-351-3-72/17 dana 31.10.2017. godine (Ispravka obavještenja, broj: 1050-1-1-351-8-73/17 od 10.11.2017.godine, Ispravka obavještenja broj: 1050-1-1-351-8-75/17 od 20.11.2017.godine), kao i u „Službenom glasniku BiH“ (Oglasnik „Javne nabavke“), broj: 79, strana 26 od 03.11.2017. godine, broj obavještenja: 1050-1-1-351-3-72/17 i Ispravka za obavještenje o nabavci broj: 1050-1-1-351-8-75/17 objavljena u Službenom glasniku BiH broj 84 od 24.11.2017.godine, Oglasnik javne nabavke, strana 81.

Komisija je izvršila javno otvaranje ponuda, te konstatovala da je u roku za dostavljanje ponuda pristigla samo 1 (jedna) ponuda i to: „IMTEC“ d.o.o., Pijačna 114, Sarajevo, koja je kod Ugovornog organa zaprimljena dana 05.12.2017.godine u 11:40 pod brojem: 45-26356-1/2017.

Ponuđeno je sljedeće:

1. „IMTEC“ d.o.o., Pijačna 114, Sarajevo:

Cijena: 125.990,92 KM (bez PDV-a), odnosno 147.409,38 KM (sa PDV-om)

Rok isporuke: 30 dana od dana ispostavljanja narudžbenice od strane ugovornog organa

Ponuđeni popust: nema.

Uvidom u dostavljenu ponudu Komisija je konstatovala sljedeće:

1. Ponuđač nije dostavio izjavu da nije kriv za težak profesionalni propust počinjen tokom perioda od tri godine prije početka postupka, a koji ugovorni organ može dokazati na bilo koji način, posebno, značajni i/ili nedostaci koji se ponavljaju u izvršenju bitnih zahtjeva ugovora koji su doveli do njegovog prijevremenog raskida, nastanka štete ili drugih sličnih posljedica, zbog namjere ili nemara privrednog subjekta, određene težine, a što je traženo tačkom 7.1.1. pod e) tenderske dokumentacije;
a tenderskom dokumentacijom tačka 7.1.1. pod e) zahtjevano je :
Ugovorni organ će odbiti ponudu ukoliko ista nema izjavu ovjerenu kod nadležnog organa, te ukoliko utvrdi da je ponuđač:
 - e) *bio kriv za težak profesionalni propust počinjen tokom perioda od tri godine prije početka postupka, a koji ugovorni organ može dokazati na bilo koji način, posebno, značajni i/ili nedostaci koji se ponavljaju u izvršenju bitnih zahtjeva ugovora koji su doveli do njegovog prijevremenog raskida, nastanka štete ili drugih sličnih posljedica, zbog namjere ili nemara privrednog subjekta, određene težine;*
2. Uz ponudu je dostavljeno Ovlaštenje osnivača Pravnog lica Imtec d.o.o. Sarajevo Vrabac Selmira kojom ovlašćuje Direktora Društva Čehić Jakuba, a obzirom na registrovana ograničenja društva da može poduzimati sljedeće radnje:

« potpisati ponudu u svrhu učešća na tenderu Javnog preduzeća Željeznice Federacije BiH d.o.o. Sarajevo, u postupku javne nabavke robe putem otvorenog postupka za nabavku informatičke opreme kao i opozivati sve ostale pravne radnje u svrhu realizacije ovog postupka. «

Nadalje uz ponudu je dostavljena Punomoć ovjerena kod Općine Novi Grad Sarajevo broj: 8186 od dana 11.10.2017. godine, kojom Jakub Čehić ovlašćuje Hajrić Amira a ako ovaj bude spriječen Seminu Zuban da:

«priprema tenderskih dokumentacija , ovjeravanje izjava kod nadležnih organa, koje su sastavni dio tenderskih dokumentacija, potpisivanje ponuda u postupcima jkavne nabavke roba, potpisivanja žalbi u provođenju».

Navedena Punomoć je neprihvatljiva iz razloga što u Ovlaštenju koje je dato od strane Osnivača društva Vrabac Semira Direktor društva Čehić Jakubu, nije navedeno da Direktor društva Čehić Jakub može dalje prenositi svoja navedena ovlaštenja, a posebno nije navedeno da može opunomoćiti druga lica radi poduzimanja potrebnih radnji za pripremu tenderske dokumentacije. Posebno se ističe da je ovlaštenje-punomoć lično pravo koje se ne može dalje prenositi bez saglasnosti davaoca istog.

3. Ponuđač nije dostavio u svojoj ponudi pismo ponude kako je zahtjevano tenderskom dokumentacijom tačkom 8.1.7. koja glasi:

8.1.7 Ponuđač u ponudi mora dostaviti pismo ponude na memorandumu sa naznačenim nazivom i tačnom adresom ponuđača, identifikacionim brojem, predmetom ponude, rokom isporuke robe, uslovom i načinom plaćanja, jediničnom i ukupnom cijenom, potpisanom i ovjerenom od strane ovlaštenog lica ponuđača. Ukoliko ponudu potpisuje lice koje nije ovlašteno za zastupanje ponuđača, uz ponudu je potrebno dostaviti Punomoć za to lice potpisanu i ovjerenu od strane lica ovlaštenog za zastupanje.

4. Obzirom na to da su na našim serverima operativni sistemi 2003 i 2008, potrebna nam je garancija da sa istima neće biti problema. U odgovoru za zahtjev za pojašnjenje dokumenata broj 1-26931-1/2017 od 11.12.2017. godine, koje smo dobili nije jasno navedeno da garantujete za funkcionisanje sistema na navedenim platformama, te ne možemo smatrati da je to u skladu sa tehničkom specifikacijom, stranica 6, stavka 3, Centralni storage.

Na osnovu gore navedenih razloga komisija je saglasna da ponuda nije validna.

Cijeneći gore navedeno, Komisija je utvrdila da nisu ispunjeni zakonski uslovi za nastavak postupka javne nabavke i zaključenje ugovora, te je u skladu sa članom 18. stav 3) Pravilnika o javnoj nabavci roba, usluga i radova u posebnim okolnostima broj: NO-24771-1-6./2017 od 23.11.2017. godine i Pravilnika o izmjenama i dopunama Pravilnika o javnoj nabavci roba, usluga i radova u posebnim okolnostima broj: NO-25507-1-4./2017 od 07.12.2017. godine dala preporuku Predsjedniku Uprave – Generalnom direktoru za poništenje postupka javne nabavke roba – Informatička oprema, za potrebe JP ŽFBiH d.o.o. Sarajevo, tender broj: UD-17770-1/2017, putem otvorenog postupka, na osnovu člana 69. stav (2) tačka d), jer nijedna primljena ponuda nije prihvatljiva.

Predsjednik Uprave – Generalni direktor je prihvatio preporuku Komisije i odlučio kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba JP ŽFBiH d.o.o. Sarajevo na način i u roku propisan Zakonom o javnim nabavkama.

Dostaviti:

- Željeznička infrastruktura,
- Sektor za nabavke i prodaju,
- Sektor plana, analize i raspoređivanja prihoda,
- Ponuđaču,
- Pravni i kadrovski poslovi,
- a/a.



UIC 50

Bosna i Hercegovina